

7. gr.

Verkefni sjóðstjórnar er:

- a. Að ávaxta sjóðinn á sem hagfelldastan hátt hjá tryggri lánsstofnun, og skal hún leggja fram reikninga hans á hverjum aðalsafnaðarfundi Mökuvallaklausturskirkju, með öðrum reikningum kirkjunnar.
- b. Að ákveða úthlutun úr sjóðnum í hvert sinn eftir 3. gr.
- c. Að halda skrá yfir tekjur sjóðsins samkv. 4. gr. og sérstaka minningabók, er geymi nöfn þeirra manna, sem minnst er með gjöfum til sjóðsins.

157

18. nóv.

8. gr.

Skipulagsskrá þessa má endurskoða að fimm árum liðnum, með samþykki safnaðarfundar, en þó skulu 3 fyrstu liðir hennar ætíð haldast óbreyttir.

9. gr.

Leitað skal staðfestingar forseta Íslands á skipulagsskrá þessari.

Dagverðartungu í Hörgárdal, 29. ágúst 1948.

Ólafur Tr. Ólafsson. Jón Ólafsson.

REGLUGERÐ

158

25. nóv.

fyrir vatnsveitu í Hveragerðishreppi.

1. gr.

Hreppsnefnd Hveragerðishrepps hefur einkaleyfi til reksturs vatnsveitu og sölu vatns á því svæði, er vatnsveitan nær yfir og getur fullnægt.

2. gr.

Vatnsveitunefnd er kosin af hreppsnefnd, eftir hverjar hreppsnefndarkosningar, og annast hún framkvæmdastörf, viðhald og endurbætur veitunnar, fjárreiður hennar og umsjón eigna í samráði við oddvita og hreppsnefnd.

Í vatnsveitunefnd skulu vera 3 menn og 3 til vara. Nefndin skiptir sjálf með sér verkum.

3. gr.

Vatnsveitan lætur leggja aðalvatnsæðar um þorpið svo víða sem fært þykir, svo að húseigendur eigi greiðan aðgang að þeim í fyrirhuguðu vegarstæði eða götu, er lóðir liggja að. Frá aðalvatnsæðum skulu húseigendur leggja vatnsæðar í hús sín á sinn kostnað.

4. gr.

Hver sá, sem vill komast í samband við vatnsveitu Hveragerðis, skal senda vatnsveitunefnd skriflega umsókn þar um. Umsókninni skulu fylgja upplýsingar um, hve mikið vatn hlutaðeigandi telur sig þurfa að nota.

5. gr.

Skylt er húseiganda eða lóðareiganda að halda vatnsæðum sínum vel við og láta tafarlaust gera við þær, ef leki kemur að þeim eða aðrar bilanir. Hann skal sérstaklega gæta þess, að ekki frjósi í þeim. Enginn má setja aflvélar í samband við vatnsveituna, nema með samþykki vatnsveitunefndar og með þeim útbúnaði, er hún telur tryggan.

158

25. nóv.

6. gr.
Vatnsveitunefnd getur fyrirskipað takmörkun á vatnsnotkun, ef skortur er á vatni. Þá getur hún lokað fyrir vatnið, þegar með þarf, vegna hreinsunar á vatnsgeymum eða viðgerðar á vatnsæðum. Slík lokun skal tilkynnt fyrir fram, ef þess er kostur. Fullan vatnsskatt ber að greiða, þó að slík lokun fari fram.

7. gr.

Vatnsveitunefnd er heimilt að loka fyrir vatn hjá þeim, sem eftir itrekaðar áminningar eyða vatni að óþörfu eða vanrækja að gera við bilanir á leiðslum sínum, svo og ef þeir hafa vatnsæðum sínum þannig fyrir komið, að óþrif hljótist af, eða greiða ekki vatnsskatt á réttum tíma.

8. gr.

Skýlt er manni að láta af hendi land sitt og landsafnot í þarfir vatnsveitunnar, svo og mannvirki og þola þær eignakvaðir, óhagræði og takmarkanir á afnotarétti, sem vatnsveitan kann að hafa í för með sér, enda komi fullar bætur fyrir, samkvæmt mati, ef ekki næst samkomulag.

9. gr.

Hver sá, er tekur vatn úr vatnsveitunni án heimildar, eða á annan hátt en gert er ráð fyrir, í þeim tilgangi að losna við að greiða gjald fyrir, skal sæta sektum, nema þyngri refsing liggji við samkvæmt hegningarlögunum, auk þess sem honum er skýlt að greiða fyrir vatnið samkvæmt mati vatnsveitunefndar.

10. gr.

Hver sá, sem skemmir eða saurgar vatnsæðar vatnsveitunnar, brunna hennar eða önnur mannvirki, skal greiða bætur fyrir samkvæmt mati dómkvaddra manna og sæta sektum, nema þyngri refsing liggji við.

11. gr.

Vatnsveitunefnd eða trúnaðarmönnum hennar er heimilt að fara í hús manna, þar sem vatnsæðar liggja, til athugunar og viðgerðar. Ef útbúnaði er að einhverju leyti ábótavant, skal húseigandi tafarlaust bæta úr því, ella er vatnsveitunefnd heimilt að láta gera við það á hans kostnað.

12. gr.

Af öllum húseignum í Hveragerðishreppi, sem virtar eru til fasteignamats og vatni er veitt í eða úr næst til vatnsæða í götu, vegi eða opnu svæði er lóð þeirra nær til, skal greiða vatnsskatt. Skatturinn skal lagður á eftir lögskipaðri fasteignamatsvirðingu húsanna. Skatt skal einnig greiða eftir virðingarverði fastra véla, sem í húsinu eru, ef þær eru vátryggðar ásamt því, og nota vatn úr vatnsæðum hreppsins.

13. gr.

Af öllum húsum í Hveragerðishreppi, sem svo er ástatt um, sem um getur í 12. gr. reglugerðar þessarar, skal greiða vatnsskatt að upphæð 15% — fimmtán af þúsundi —, þó skal lágmarksskattur vera kr. 50.00 fyrir hvert íbúðarhús.

14. gr.

Af gróðurhúsum greiðist kr. 0.45 fyrir hvern fermetra. Af húsum, sem nota vatn til annarra en venjulegra heimilisnota, vegna atvinnu, sem í þeim er rekin s. s. verksmíðjur, baðhús, þvottahús, iðnfyrirtæki o. fl., skal greiða aukaskatt fram yfir það, sem um getur í 13. gr. reglugerðar þessarar, eftir því sem vatnsveitunefnd ákveður hverju sinni, þó skal gjaldið ætíð vera í samræmi við gildandi vatnalöggjöf. Eigandi framleiðslustöðvar ber ábyrgð á vatnsskatti af fyrirtæki hans.

15. gr.

158

Reikningsár vatnsveitunnar er almanaksárið. Gjaldþagi vatnsskatts er 15. júlí ár hvert. Húseigandi ber ábyrgð á greiðslu vatnsskatts af húseign sinni. 25. nóv.

16. gr.

Heimilt er hreppsnefndinni fyrir eitt ár í senn að hækka eða lækka vatnsskatt um allt að 20% (20 af hundraði).

17. gr.

Brot gegn reglugerð þessari varða allt að kr. 500.00 sekt, nema þyngri refsing liggji við að lögum.

Mál út af brotum gegn reglugerð þessari, skulu sæta meðferð almennra lög-reglumála.

Reglugerð þessi, sem samin er og samþykkt af hreppsnefnd Hveragerðishrepps, staðfestist hér með, samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist hér með til eftirbreytni öllum þeim, er hlut eiga að máli.

Félagsmálaráðuneytið, 25. nóvember 1948.

Stefán Jóh. Stefánsson.

Jónas Guðmundsson.

REIKNINGAR BÚNAÐARBANKA ÍSLANDS 159

Efnahagsreikningur sparisjóðsdeildar Búnaðarbanka Íslands með útibúi 31. des. 1947.

Eignir:

1. Skuldabréf fyrir lánum:		
a. Fasteignaveðslán	kr. 2 286 387.40	
b. Sjálfskuldarábyrgðarlán	— 1 454 395.67	
c. Sveitarstjórnarlán, sýslu og ríkis	— 340 540.00	
d. Reikningslán	— 4 155 309.58	
		kr. 8 236 632.65
2. Vixlar	— 25 786 804.24	
3. Verðbréf	— 12 609 802.15	
4. Lán í hlaupareikningi	— 5 733 034.32	
5. Kreppulánasjóður bæjar og sveitar félaga	— 403 408.02	
6. Ýmsir skuldunautar	— 623 472.27	
7. Innanstokksmunir	— 26 700.00	
8. Fasteignir	— 3 190 000.00	
9. Innheimtur	— 190 544.75	
10. Tryggingar fyrir ábyrgðum	— 98 000.00	
11. Bankainnstæða og peningar í sjóði	— 8 361 878.63	
		<hr/> Kr. 65 260 277.03